

Visoki predstavnik pozdravlja odluku Evropske komisije o davanju preporuke za otpočinjanje pregovora o Sporazumu o stabilizaciji i pridruživanju

Visoki predstavnik je danas pozdravio odluku Evropske komisije o davanju preporuke zemljama članicama EU da pokrenu pregovore o Sporazumu o stabilizaciji i pridruživanju sa BiH. On je izjavio da će današnja odluka čvrsto postaviti BiH na put koji vodi prema Evropi, i da ona predstavlja do sada najodlučnije odstupanje ove zemlje od njene poslijeratne stvarnosti.

“Danas je važan dan za Bosnu i Hercegovinu. Od danas se program mijenja, a od sutra je BiH druga zemlja”, rekao je on.

Nakon otpočinjanja pregovora o Sporazumu o stabilizaciji i pridruživanju, BiH će imati jasnu viziju o tome kuda ide i šta mora da uradi da bi tamo stigla. Putovanje će biti dugo i teško, ali sada postoji jasan cilj i jasni izgledi da se taj cilj realizuje, dodao je on.

Visoki predstavnik je rekao da je sada važno da se nastave aktivnosti nakon postizanja sporazuma o reformi policije, koji je prihvatila i Evropska komisija, naglasivši da je komesar Olli Rehn početkom ove sedmice izjavio da Komisija želi da vidi pomake u implementaciji reforme policije u toku pregovora o Sporazumu o stabilizaciji i pridruživanju, kao i poslije. “Imperativ je uspostavljanje Direkcije za implementaciju restrukturiranja policije”, rekao je visoki predstavnik.

Visoki predstavnik je pozdravio i jučerašnje usvajanje Zakona

o javnom RTV servisu od strane parlamentarne komisije, naglašavajući hitnost usvajanja ovoga zakona bez odlaganja i u Domu naroda BiH.

On je također podsjetio da je Vijeće za implementaciju mira jasno navelo da je spremno, nakon pokretanja procesa pregovora o stabilizaciji i pridruživanju, početi slabiti primjenu bonskih ovlasti i smanjivati ulogu OHR-a kao cjeline: "Pod uslovom da dođe do potrebnih pomaka, velika je mogućnost da do izbora u oktobru 2006. godine OHR neće postojati i da će bonske ovlasti biti ukinute.